

中國方志叢書·華北地方·第四四號

據

清·莫璽章等修，王增等纂
清乾隆六十年修民國二十二年重刊本

影印

河南省

新蔡縣志

(一)

成文出版社有限公司印行

序

余守新之八月邑人朱子光袁賡唐李冠
武諸先生持所印縣志求序於余。聞
語汗下慙然無所為狀。蓋余於今春三月
奉命來長斯邑。越日求治理。稽縣志。知其書
故纂於清康熙間。後無續為修者。迨民
國十五年八月匪陷城。版籍燬存本寥々
更不可以數。觀因思一縣志乘關於其地

之人口田賦工商農桑習俗人情乃至匹夫
匹婦之嘉言懿行靡不畢載非惟政教設
施是出即舉凡生茲土者耳目所濡亦當有
所以自立為用之大可以想見然此誌遠作
於百餘年前時代遞演人事不居其適乎
昔者已不能盡適於今其不適於今者又
必不能盡致其用何況殘編斷簡有不絕
如縷之虞繼加編修實不可以須臾緩余

下車以來居恒以此為志固未敢片刻忘
諸懷徒以匪共肆擾迄未少林民窮財
盡困不堪言吾民救生不暇遑言其他重
以誌事繁鉅非咄嗟可辦尤非短期間一
二人之力所能舉坐斯屢經鑽研籌備雖有
端緒尚茫々莫知藏事之期因設法搜集
舊誌翻印成書以存全豹而便續修印
成邑人朱袁李諸先生囑余為序余不

文何序之有謹贅數語於簡端用誌
愧且以自勉並以勉後之君子

民國二十二年十一月孟縣賈緣雲



重修新蔡縣志序

邑之有志猶國之有史也周禮
所載有小史以掌邦國之志有
外史以掌四方之志漢班氏志天
文地理五行郊祀歷律食貨以
極陰陽之變以通萬類之情而

志之名始立陳氏志三國不曰
史而曰志則志與史固實同而
名異也在昔朱子守南康甫抵
任卽問郡志論者稱其識爲政
體豈不以辯風俗稽戶口崇懿
徽示法守所關爲至鉅哉蔡爲

古呂侯國春秋時楚平王遷蔡
後於茲土地平衍襟帶洪汝山
水清淑毓秀鍾靈賢哲挺生俊
傑代起至勝國時以功業著以
文學鳴如曹氏祖孫張氏父子
尤爲後人景仰乾隆巳酉之歲

余以海南鯁生承乏茲邑下車之日手披邑乘考其風俗人情簡頁殘缺竟至魯魚莫辨蓋自康熙辛未前令呂公纂輯後百餘年無繼修者其丁男田賦風土人物文獻幾無可徵覽斯志也

不猶有餘憾歟爰請命於太守
陸豐彭公檄令重纂方開局採
訪會彭公調任首郡長白德公
來守是邦復命余與諸紳士共
襄其事禮聘太史會稽王公總
持修輯將舊稿釐定事增於前

文損於後無美不彰無微不顯
俾新邑掌故今昔備載則是志
之成豈非斯邑之幸乎然余亦
有幸焉自揣學識謏陋膺民
社蚊負堪虞今治此五年地方
安集公退之暇得從太史之後

與諸子徵文攷獻修舉百餘年
之廢墜雖不敢謂如前賢之能
識治體而搜羅裒集以昭我
朝聖聖相傳一道同風之盛於
以繼前而詔後其欣幸當何如
耶至博聞廣見取華歛實則太

史史館鉅手余復喜其總理纂
修是志獲藉手以觀厥成也因
不揣而爲之序

乾隆六十年歲次乙卯之春中
和旣望文林郎知新蔡縣事
定陽莫璽章謹撰



序

周禮外史以掌四方之志今之
志即古之史也而古以是名官且
世其業顧不重歟漢初入函
蕭何獨收秦丞於府圖籍得

以周知天下輿地阨塞戶口殷耗
之數佐高祖成帝業後世未可
倫比馬班以後統以記載之文為志
言史學者網羅前代至詳且備
余少年不學浮沉舉業通籍後

得讀中秘金匱石室之書稍々
窺其大畧在史館十率風雨寒
暑靡間不復以詞章華藻
為務而專意於載籍逮出膺
民社調繁劇去日不以農田水